

## Ćuläk

Da nĩ od njega potrĩba  
i da nĩ fãli,  
ne bĩdu ga izventãli.

A da ga nĩsũ izventãli,  
ne bĩ ga ni uspijentãli.

A da ga nĩsũ uspijentãli,  
ne bĩdu ga ni piturãli.

A da ga nĩsũ piturãli,  
nikĩ vrãg bi mu fãli.

A da mu čã fãli,  
ne bi mõga stãt na gomĩli.

A da nĩ na gomĩli,  
ne bĩ se vĩdi.

A da se ne vĩdi,  
ne bi bĩ ćulãk.

A da nĩ ćulãk,  
slĩči bi na strãšilo.

A da nĩ strãšilo,  
parĩ bi čovĩk.

A da je čovĩk  
ne bi bĩ ćulãk.

A kad je ćulãk,  
ondã nĩ slĩka  
ni prĩlĩka  
od čovĩka...

tãko i sãda  
i vãzda  
i u vĩke vĩka

**KÄMEN!**